

宣宗成皇帝實錄(三)

卷一三二至卷二〇三
道光八年至十一年

清實錄

第三五冊

中華書局影印

清實錄第三五冊目錄

宣宗成皇帝實錄(三)

卷一三二	道光八年正月	三六七九
卷一三三	道光八年二月	三六七八
卷一三四	道光八年三月	三六七五
卷一三五	道光八年四月	三六七六
卷一三六	道光八年五月	三六七三
卷一三七	道光八年六月	三六八八
卷一三八	道光八年七月上	三六八七
卷一三九	道光八年七月下	三六八五
卷一四〇	道光八年八月上	三六八三
卷一四一	道光八年八月下	三六八二
卷一四二	道光八年九月上	三六八八
卷一四三	道光八年九月下	三六九〇
卷一四四	道光八年十月上	三六九二

卷一四五	道光八年十月下	三六九二
卷一四六	道光八年十一月上	三六九四
卷一四七	道光八年十一月下	三六九六
卷一四八	道光八年十二月上	三六九七
卷一四九	道光八年十二月下	三六九七
卷一五〇	道光九年正月	三七一三
卷一五一	道光九年二月上	三七〇三
卷一五二	道光九年二月下	三七〇四
卷一五三	道光九年三月上	三七〇六
卷一五四	道光九年三月下	三七〇七
卷一五五	道光九年四月	三七〇八
卷一五六	道光九年五月	三七一〇
卷一五七	道光九年六月	三七一二
卷一五八	道光九年七月	三七一四
卷一五九	道光九年八月	三七一六
卷一六〇	道光九年九月	三七一八
卷一六一	道光九年十月	三七二〇

卷一六二 道光九年十一月

三七三二

卷一六三 道光九年十二月

三七三七

卷一六四 道光十年正月

三七二七

卷一六五 道光十年二月

三七二七

卷一六六 道光十年三月

三七二五

卷一六七 道光十年四月

三七〇一

卷一六八 道光十年閏四月

三七二五

卷一六九 道光十年五月

三七三一

卷一七〇 道光十年六月

三七五一

卷一七一 道光十年七月

三七六四

卷一七二 道光十年八月

三七八六

卷一七三 道光十年九月上

三七九九

卷一七四 道光十年九月中

三七四二〇

卷一七五 道光十年九月下

三七四四三

卷一七六 道光十年十月上

三七四六二

卷一七七 道光十年十月中

三七四七八

卷一七八 道光十年十月下

三七四九九

卷一七九 道光十年十一月上

三七五一八

卷一八〇 道光十年十一月下

三七五四三

卷一八一 道光十年十二月上

三七五六二

卷一八二 道光十年十二月下

三七五八四

卷一八三 道光十一年正月

三七六〇二

卷一八四 道光十一年二月

三七六二七

卷一八五 道光十一年三月上

三七六四九

卷一八六 道光十一年三月下

三七六六〇

卷一八七 道光十一年四月

三七六七五

卷一八八 道光十一年五月上

三七六九三

卷一八九 道光十一年五月下

三七七〇四

卷一九〇 道光十一年六月上

三七七一八

卷一九一 道光十一年六月下

三七七二八

卷一九二 道光十一年七月上

三七七四七

卷一九三 道光十一年七月下

三七七六〇

卷一九四 道光十一年八月上

三七七七七

卷一九五 道光十一年八月下

三七七八七

卷一九六 道光十一年九月上 三七八〇一

卷一九七 道光十一年九月下 三七八一九

卷一九八 道光十一年十月上 三七八三〇

卷一九九 道光十一年十月下 三七八四三

卷二〇〇 道光十一年十一月上 三七八五七

卷二〇一 道光十一年十一月下 三七八六九

卷二〇二 道光十一年十二月上 三七八八四

卷二〇三 道光十一年十二月下 三七九〇〇

大清宣宗效天符運立中體正至文聖武智勇
仁慈儉勤孝敏成皇帝實錄卷之一百三十二

恩修經義官程廷日講也唐注官太子太師經仁閣大學士文淵閣領事管理戶部事務上書唐廷師傳翰林院掌院學士兼管順

天所將軍事落隨處五級能銀十八次在貴嶺總兵官經選護官吏部尚書蘇世讓漢軍都統總理新營舊職內官房大臣博爾濟

七條大臣信榮會同四洋館事務加一願帶加六願軍功加三願配銀五次生花沙納總理宣文閣閣議兼陪市兵部尚書總辦

內務府大臣鑲紅旗滿洲都統橋察內七倉大臣管理宗人府銀庫左翼副官學
憲靜宮周明園等處繕建醫館茶膳房藥房等

醫院送解處事務隨帶卅八版臣阿爾阿副總裁官經定議官兵部尚書隨帶卅六版紀錄二十次臣閔祖培等奉

道光八年戊子春正月辛丑朔

實錄卷一百一十五

dui 1

平先殿行禮○

王子行禮（遣官祭）

廟後殿○率王以下文武大臣詣

時康宮慶賀

皇太后禮成御太和殿受朝作樂宣表女儀

詣

大高殿

壬寅

上御重華宮茶宴廷臣及內廷翰林命和

御製新正二日重華宮茶宴對雪詩韻○諭內

閣朕伯儀親王年已八旬有三精神矍鑠步履

履强健實為天家祥瑞向來入朝雖得於禁

簾乘坐二人椅轎。惟漏夜不免衝寒。究非高

年所宜著加恩在紫禁城內乘轎行走並於

應得王偉之外每年加賞俸銀五千兩以示

朕親親敬長之至意○癸卯○

中家子子子子
上

高宗純皇帝忌辰遣官祭

裕陵○

上
詰

奉先殿

壽皇殿行禮○緩徵山東壽光濟寧武城魚臺

四川縣並屯坐各衛上年被旱被雹新舊額

賦○給江蘇沛縣上年歉收貧民一月口糧

○貸直隸青靜海滄玉田大名元城南樂清

豐廣平。九州縣上年歉收貧民口糧有差。

甲辰

上詣

皇太后宮問安。○御紫光閣賜蒙古王貝勒貝子公台吉及外藩使臣等宴並賞賚有差。○乙巳諭宗令定親王奕紹嗣後瑞親王惇郡王惠郡王之子女應指婚其餘不必指婚。○丙午命熱河都統英和馳往江南會同兩江總督蔣攸銑查勘湖河應辦工程。○以禮部尚書松筠署熱河都統都察院左都御史那清安署禮部尚書鑲黃旗漢軍都統富俊署鑲白旗滿洲都統。○賞候補四品京堂敦良二等侍衛為烏魯木齊領隊大臣。○以督辦軍需妥速護陝西巡撫徐忻下部優敘賞署按察使何承薰花翎。○貸湖北江陵監利二縣並屯坐各衛上年被水軍民籽種。○貸山西定襄長治潞城三縣上年被旱被雹村莊常平社義倉穀展緩和順縣應徵原借穀石有差。○丁未

世祖章皇帝忌辰遣官祭

孝陵。○諭軍機大臣等將攸銑奏新漕起運渡黃請將幫船所帶貨物暫行起卸一摺所奏是據稱向來漕船到淮挽過清江福興等閘溜急水深未能迅速以致開壩渡黃易於脫空固由過閘稽遲亦因船身笨重所致現在順黃壩誌椿黃水高於清水一尺五寸節交春令能否再行暢消照常啓壩通漕勢難豫必惟渡黃必須迅速無論開壩倒塘總以船

平本志下

四

身輕便為要本年出運幫船於每船額帶土宜之外准其再加三十石船身喫水更重將來行抵清江萬一仍須倒塘北渡如一船阻滯則河口停淤必致灌放羈延更為全漕之累等語本年新漕起運前經降旨務於四月初十日以前全數渡黃若船身笨重趲渡遲延致誤定限自應豫為籌計著該漕督等接奉此旨即分飭各糧道將幫船所帶貨物於高坂頭地方暫行起卸俟渡黃後再將貨物

歸載。並令該管河員。於各閘多添關纜人夫。俟漕船到時。即加緊催趲渡黃。俾臻安速。以符定限。將此各諭令知之。又諭。前據那彥成奏。凱撤官兵過境。章程當降旨令鄂山於吉林。黑龍江官兵進關時。即令分二百名一起。間四日行走。現在凱兵於年前過京者。祇有吉林二起兵四百九十八名。黑龍江頭起兵一百名。今越二十餘日。黑龍江二起官兵始將到京。其三起官兵。尚無到京信息。該兵

奏奉
上

等或竟沿途逗留。管帶各員不能約束。必致騷擾地方。鄂山徐忻楊國楨屠之申。接奉此旨。即飭沿途地方官。安速應付。並派明幹道府大員鎮靜彈壓。俾得迅速行走。雖間遇雨雪。不能盡按間四日行走之期。亦須計程趲行。毋許任意遲延。轉致別滋事端。將此各諭令知之。刑部奏。滿漢司獄年滿升選。無期請量予調劑。下吏部議。尋議。嗣後刑部滿洲漢軍司獄。年滿人員。其應升知縣之七品筆

帖式。擬俟即升五人。輪用三班。後升用一人。應升通判州同州判縣丞等官之八九品筆帖式。擬俟即升五人。輪用一班。後升用一人。均不積缺。若有改捐品級者。按其充補司獄時品級升用。不准照改捐品級升用。從之。○廓爾喀額爾德尼王熱尊達爾畢噶爾瑪薩野遣使表貢方物。賜敕褒獎。賞賚筵宴如例。○以刑部尚書明山署經筵講官。○命庫倫辦事大臣倫布多爾濟馳驛赴任。○戊申諭

奏奉
上

內閣張井等奏。瓜洲城外臨江埭壩緯道坍塌。切近城垣。請照從前收進城牆之案。接築土城。護出緯道等語。瓜洲臨江壩工。因江勢浩濶。遷徙靡常。從前屢修屢塌。乾隆年間。曾將城垣收進。讓地與江。近又復形坍塌。逼近城垣。有礙緯道。自應以設法通緯為急。著照所請。即於春融後。接築土城。讓出緯道。責成江防廳營相機妥辦。無誤重運。經行其所估築壩拋石各工。著該河督等隨時察看形勢。

從緩辦理○改派吏部右侍郎白鎔敬謹重修

秦陵大碑樓工程○江西學政福申緣事解任命光祿寺少卿吳孝銘提督江西學政○實授邱樹棠刑部右侍郎○實授劉彬士浙江巡撫○

上以次辛祈穀於

上帝自是日始齋戒三日○己酉享

太廟遣定親王奕紹恭代行禮○遣官祭

中書省

本

太歲之神○諭內閣陳若霖等奏查辦江西學政福申家人招搖勒索一摺此案蕭三即蕭岱隨伺伊主出棚考試輒敢冒充前站到處挑斥供應索詐多贖並嚇署辦差人役肆行無忌又於夜間乘坐四人轎懸掛學政官銜燈籠私自外出且在署外另屋居住種種藐法情殊可惡若僅照所擬發近邊充軍尚覺輕縱著發往新疆給兵丁為奴到配仍加枷號一箇月滿日照例折責以昭炯戒江西

學政福申職司考校關防至重乃不能約束家人致蕭三種種恣橫倚勢妄為非尋常失察可比著交部嚴加議處即回京聽候部議○又諭江西學政福申於家人蕭三種種恣橫藐玩漫無覺察以致物議沸騰被人叅劾昨據陳若霖等查辦奏到業經降旨將福申交部嚴加議處直省學政聲名各該督撫向於年終出具考語密行陳奏遇有不公不法及輿論未協者即應據實直陳豈容稍有隱飾乃琦善韓文綺具奏學政福申聲名摺內均稱場規嚴肅開防慎密並無弊竇可見該督撫蹈官官相護之陋習視為具文徒以一奏塞責韓文綺近在同城見聞自確乃並不留心查察其咎較重著交部議處琦善駐劄江南相隔稍遠著交部察議嗣後各督撫於該省學政務當隨時留心察覈於年終出具考語秉公據實不可稍有含混經此次訓諭之後儻仍相率緘默不肯直陳或別經發覺

或被人糾叅必將該督撫重懲不貸將此通諭知之○庚戌

上詣

南郊齋宮齋宿○辛亥祈穀於

上帝

上親詣行禮○詣

皇太后宮問安○辛圓明園○奉

皇太后居綺春園○詣

安佑宮行禮○壬子諭內閣吏部議將福申照

縱容家人長隨招搖詐騙例革職福申以視學大員關防宜如何慎重乃不能嚴行約束家人致蕭三種恣橫倚勢妄為豈竟形同犖曠從前陳嵩慶奉差典試伊家人於途次逞兇滋事雖經釀命事起倉猝尚得謂之失察若福申到任兩年有餘屢經出棚考試於蕭三到處詐索肆行無忌斷不能諉為不知又豈失察可比福申著即照部議革職琦善前在兩江總督任內有糾察之責韓文綺近

在同城見聞較切乃各於年終密奏摺內並不據實直陳部議將韓文綺降二級留任琦善降一級留任之處俱不准其抵銷○又諭

屠之申奏請動項興修漕運要工一摺潮白

河上游北寺莊地方上年伏秋汛漲新刷岔

河亟應建壩切灘使水勢歸入北運正河以

濟漕行而資捍禦所有勘估各工段共需工

料銀二千七百五十一兩零著照所請准其

於通永道庫河灘淤地租銀項下照數動支

責成該道督率廳員趕緊購料集夫興工務

於大汛前一律完竣覈實報銷如有草率偷

減即行嚴叅○修湖北荊門州官隄並荊州

府民隄從總督嵩孚請也○癸丑

上詣綺春園問

皇太后安○甲寅

上御奉三無私殿賜皇子親藩等宴○御山高

水長賜王公大臣蒙古王貝勒貝子公台吉

及外藩使臣等食翼日如之○諭內閣琦善

奏失察教匪之文武各官懇恩寬免處分等語上年山東鄒縣等縣有習教匪徒經該撫飭屬查拏茲據奏稱鄒滕兩縣拏獲教匪李成文等三十三名安邱縣拏獲教匪劉三道士等八名俱經審明奏結該地方官於奉到檄飭立即查拏跟追徒黨獲案究辦各犯不至漏網功過尚足相抵所有此二案歷任文武各官失察處分著加恩一併寬免○賞廩爾喀正使畢熱格薩然咱拜禮副使姑蘭根則嘎爾格花翎○乙卯

上詣

安佑宮行禮○御正大光明殿賜朝正外藩等宴作樂賜酒如除夕儀○丙辰

上御正大光明殿賜大學士尚書等宴○丁巳諭內閣張井等奏設局清釐河庫積年墊款並各員欠繳銀兩一摺南河各廳常年所辦另案各工借動河庫存款及扣存平餘飯食等項並各員覈減欠繳銀兩案卷繁多款目

瑣碎自上次清釐後復閱多年自應按款查明分別辦理著該河督等即於廳汛各員內選派熟諳鉤稽公正精細之員詳議章程調齊案卷設局趕辦將各項銀數分晰明確應追繳者即向各員嚴催追繳務使各款俱有著落不許遷就牽混稍有遲延致干咎戾○戊午諭內閣屠之申奏營伍應否接閱請旨一摺上年直隸省輪屆查閱營伍經兵部奏准派令那彥成巡閱該督現在出差除業經閱竣各營外所有尚未查閱之正定天津大名馬蘭四鎮通州河間二協即著屠之申前往校閱○諭軍機大臣等屠之申奏拏獲河間府屬獻縣之尹店村民人孫榮即孫富等傳習邪教並究出同教夥黨戴朝鳳等十餘人趕緊按名查拏等語直隸河南山東接壤地方屢有教匪滋事之案必須刻刻留心有犯即懲方足以安良善若姑容日久未有不為害者該護督飭屬查拏甚屬認真現在派

委天津道前赴河間督同府縣各員提犯研訊據供止於習教斂錢並無為匪不法亦查無圖像經卷惟所供夥黨戴朝鳳等十餘人恐尚不止此數並此外有無勾結著該護督嚴飭承審之員務向各該犯嚴切根究一有指出夥黨確供立即按名緝獲懲辦固不可張皇滋擾拖累無辜亦不可寬縱姑容致留餘孽總期無枉無縱淨絕根株方為妥善將此諭令知之○以福建福州城守營副將汪道誠為直隸天津鎮總兵官○以緝捕出力予福建署同知李慎彝等升敘有差○己未上御山高水長賜王公大臣蒙古王貝勒貝子公台吉及外藩使臣等食○諭內閣大阿哥惠郡王於二月二十日前往南苑駐圍富俊著充為總詣達同賽冲阿輪班隨駐其應行隨從之散秩大臣侍衛等著各該處照例奏派○免雲南銅廠民欠無著工本銀○庚申上詣綺春園問

皇太后安○辛酉孝穆皇后忌辰遣官祭陵寢○壬戌上幸萬壽山○諭軍機大臣等據韓文綺奏江西道府密方單內九江道克蒙額出具鎮靜詳明老成持重考語該道年逾六旬精力是否不致就衰辦事能否周到不致誤公著韓文綺密行察看遇便據實覆奏將此諭令知之尋奏克蒙額年力未衰辦事均屬周到報聞○揚威將軍大學士長齡等紅旗捷報生擒首逆張格爾上遣首領太監詣綺春園請皇太后安賀喜○以籌辦回疆兵餉出力予戶部郎中玉英等議敘有差○癸亥考聖憲皇后忌辰遣官祭泰東陵○上詣安佑宮

恩慕寺。

恩佑寺。行禮。○詣綺春園問。

皇太后安。○諭內閣。三載考績。為激揚大典。滿漢大臣中。如能盡心職守。勤勞懋著者。自應給予甄敘。年老而精力未衰。仍堪留任。其年力已衰。或素有疾病者。亦難曲為姑容。此次京察。吏部將內外各大員。開單具奏。朕細加酌覈。大學士曹振鏞。尚書文孚。王鼎。玉麟。穆彰阿。去歲因贊襄軍務。承旨宣勤。業經分別施恩。此次無庸再行議敘。協辦大學士理藩院尚書富俊。年已八旬。精神強固。辦事照常。前在吉林將軍任內。宣力有年。公慎勤果。克稱厥職。戶部尚書禧恩。自簡授御前大臣以來。勤慎扈從。管理諸事。俱能妥協。俱著交部議敘。工部侍郎韓鼎晉。年近七旬。身體多病。著以原品休致。直隸總督那彥成。自調任以來。盡心職守。操兵緝盜等事。不遺餘力。甚屬認真。閩浙總督孫爾準。於道光六年辦理臺

灣滋事匪徒。達涉重洋。克臻妥速。俱著交部議敘。餘著照舊供職。○又諭。長齡等奏。生擒首逆。由八百里加緊馳報。紅旗一摺。覽此捷奏。實深嘉悅。上年十二月。逆裔張格爾。糾約布魯特多人。欲乘歲除潛入卡倫。經長齡楊芳。分帶官兵。探聞該逆向阿爾圖什回莊前來。因被黑帽回子四百餘人。持械攔阻。旋即折竄。出卡。楊芳帶領官兵。連夜趕至卡外。喀爾鐵蓋山內。追及賊尾。分路兜剿。立斃賊匪二百餘人。該逆在前。率領馬賊三百餘人。迎面衝突。我兵排槍抵敵。先令馬隊官兵。抄及賊後。領隊大臣阿勒罕保等。復分路帶兵下壓。賊匪向山溝逃竄。我兵力追。斃三百餘人。僅騰馬賊三十餘騎。擁護該逆上山。總兵胡超等。飛騎直前追捕。山高路滑。眾賊棄馬而上。胡超等率領官兵回子。亦棄馬窮追。斃賊五名。餘賊滾山逃竄。復奔大梁。該逆祇騰賊匪十餘名。擲石回擊。都司段永福及額爾

古倫胡起各帶兵擁上山巔盡力追及該逆情急將欲自刎胡起段永福錫伯馬甲訥松阿舒興阿兵丁楊發田大武等奮刀生擒並獲賊目八名餘賊殲戮無遺飛章奏捷此皆仰荷

吳蒼加佑

祖

考垂庥俾得元兇就縛遺孽翦除洵足以安邊徼而快人心朕寅感之餘與中外臣民同深

慶幸長齡等統師進剿若能於克復喀什噶爾時就地擒渠其顯功丕績當與兆惠阿桂後先媲美現遲至十月之久始將該逆擒獲功已稍次惟念該將軍等督率官兵不避艱險於卡外臨陣生擒巨寇檄送京師與檄諭外夷設計縛獻者迥不相同其在事將領官兵等爭先效命自係該將軍督率有方仍當渥沛殊恩用昭懋獎長齡著加恩錫封威勇公爵世襲罔替並賞戴寶石帽頂兩團龍補

服授為御前大臣賞用紫韁換戴雙眼花翎並解賜佩囊二件寶石頂一箇雙眼花翎一枝龍補一副白玉雙喜翎管一箇御用白玉搬指一箇白玉吉祥如意佩一件黃辦珊瑚豆大荷包一對小荷包四箇楊芳著加恩錫封果勇侯爵世襲罔替並賞用紫韁換戴雙眼花翎在御前侍衛上行走並頒賞雙眼花翎一枝白玉巴圖魯翎管一箇御用白玉壽字搬指一箇黃辦珊瑚豆大荷包一對小荷包四箇其子有無官職現年若干著查明具奏長齡楊芳並開復一切處分楊遇春武隆阿雖未與其事惟前曾督兵進剿克復四城此時首逆就擒大功告成亦應量予恩施楊遇春武隆阿任內一切處分悉予開復總兵胡超著加提督銜賞給騎都尉世職並頒賞白玉翎管一箇白玉搬指一箇大荷包一對小荷包四箇總管額爾古倫著賞加副都統銜都司段永福著賞給雲騎尉世職仍以參

將即行升用。並頒賞白玉翎管一箇。白玉搬指一箇。大荷包一對。小荷包四箇。馬甲訥松阿。著賞給侃勇巴圖魯名號。舒興阿。著賞給紹勇巴圖魯名號。俱仍以防禦即用。兵丁楊發。著賞給直勇巴圖魯名號。田大武。著賞給確勇巴圖魯名號。俱仍以守備即用。以上四員。均照例賞戴花翎。貝子伊薩克。自軍興以來。諸事奮勉。實心出力。茲復帶領回眾。隨同楊芳等。出卡擒賊。忠勤可嘉。著加恩晉封郡王。並頒賞白玉翎管一箇。白玉搬指一箇。大荷包一對。小荷包四箇。所有在事出力官弁兵丁。著查明秉公保奏。候朕施恩。其攔阻張逆之黑帽回子四百餘人。及隨同伊薩克出卡回子。著長齡等查明分別從重獎賞。現據該將軍派誠端等押解張逆來京。進關後。著沿途督撫。派令文武大員。帶兵按站接替護送。無稍疏虞。長齡自赴回疆。總統軍務。宣力年餘。今得蒞此大功。旋師奏凱。著俟那彥成

到彼。將善後一切事宜。詳細交代。即迅速來京展覲。以慰塵懷。將此宣諭中外知之。○又諭我朝定鼎以來。

關帝屢彰靈佑。昨據長齡等奏。上年張格爾煽亂。遣其逆黨。擾近阿克蘇。當官兵衝擊之時。陡起大風。塵沙飛揚。該逆等遙見紅光燭天。遂被殲擒。又長齡等督兵進剿。師次渾河沿。該逆等竟夜擾營。風起猛烈。官兵乘風衝賊。俘馘無算。次早接仗時。據活賊僉供。又見紅光中。兵馬高大。不能抵敵。即各竄逸。此皆仰賴

關帝威靈顯赫。默祐賊魄。用克生擒巨憝。永靖邊圉。必應加展誠敬。以期億萬年護國安民。著禮部擬加封號數字具奏。用答神庥。尋議上得旨。加威顯二字封號。○諭軍機大臣等。昨據長齡等馳奏。張逆已於除夕生擒。檻送京師。派誠端。吉勒通阿。祥雲保。帶領吉林。黑龍江。官兵。押解前來。東三省官兵。

已經全撤。哈喇阿無須再往軍營。著那彥成於何處接奉此旨。即傳知該都統會同誠端等。押解張逆來京。前據那彥成奏留吉勒通阿。赴喀什噶爾差委。現經長齡派令押解張逆。亦即令其來京。無庸再行帶往。現在逆首雖已就擒。其善後事宜。尚須妥為籌辦。本日已降旨。令長齡於交卸後。作速來京。那彥成仍當迅速前赴喀什噶爾。與長齡會晤。以便長齡將一切經手事件。面為交代。即帶揚威

將軍印信。起程回京。該督與楊芳、武隆阿。務將應辦善後各事。妥協經理。以副委任。將此由八百里諭知那彥成。並諭長齡知之。以武隆阿病痊。仍授為喀什噶爾參贊大臣。賞伊犁協領端多布副都統銜。為領隊大臣。命察哈爾都統安福頭等侍衛巴清德。在御前行走。以督辦糧臺始終勤奮。賞署陝甘總督鄂山。山西巡撫盧坤。頭品頂帶。以紅旗報捷。賞奏事處接報員外郎興保。兵部

捷報處總辦郎中恩齡。花翎候補主事恆祥。藍翎。餘下部議。欽。沿途弁兵。升賞有差。○甲子。諭內閣。兵部將失察偷挖鹿窖之前任盛京將軍晉昌等議處一摺。盛京將軍有統巡圍場之責。每年十月。例應行圍打牲。周歷巡視。非副都統並不行圍。可比。晉昌在任較久。圍場偷挖鹿窖。並非起自近年。已有失察之咎。上年雖經派員查出。又未飭拏。要犯究辦。因循廢弛。不勝將軍之任。著回京另賞差使。

其部議罰俸一年之處。著改為罰俸二年。安福在任未久。著照部議罰俸一年。俱不准其抵銷。○又諭。蔣攸銹等奏訪查被參幕友。並無實在劣跡一摺。此案幕友平二。愚即平衡。被人劾參。在兩淮商人家居。住。干預鹽政事務。欺朦婪索等情。當交蔣攸銹等嚴密訪查。茲據奏稱。該幕友從前就幕兩江督署。曾因聲名平常。被參驅逐。近年為淮南商公延管理善舉。並未與恩任鹽政交通。實無欺朦婪索。